



2006-01-26:

КАИР МЕДРЕСЕЛЕРИН БАСҚАРҒАН ОТЫРАР ИМАМЫ

(Ортағасырлық отырарлық ғұлама Қауам ад-Дин әл-Итқани әл-Фараби ат-Түркістани жайлы)

1. Атқан, Итқан (Иқан), Отырар, Түркістан

Назарымызды аударған оның Атқани, Итқани (Иқани) деген аты-жөні еді. Әйткені Түркістанның шығыс кіре берісі мен Отырардың солтүстік өкпе тұсында, яғни одан шамамен 40-50 шақырым жерде ескі Иқан деп аталатын кент бар. Қазақ Совет энциклопедиясында ол туралы: “Иқан орта ғасырларда салынған елді мекен; Түркістан қаласының оңтүстік шығысындағы қазіргі ескі Иқан бұрын солай аталған. Иқан қаласының негізі қашан қаланғаны жөнінде нақты дерек жоқ. Хафиз-и Таныш (1549-1605) “Абдулланаме” атты еңбегінде Бұхара ханы Абдулланың 1582 жылы Ташкент билеушісі Баба сұлтанға қарсы жорық жасаған кезде Иқанға тоқтап өткенін жазады. XVIII ғ. жасаған белгілі тарихшы Г.И.Рычков “Орынбор губерниясының топографиясы” деген еңбегінде Иқанда 300-ге жуық үй болғанын және оның тұрғындары егін шаруашылығымен айналысқанын сөз еткен. Орта ғасырларда Иқан Түркістан әлкесі қалалары қатарында едәүір рөл атқарған” деп жазылған. Осы ескі Иқанның орны қазірге дейін сақталған. Ол Түркістан ауданы Иқан ауылының орталығында. “Жалпы жобасы трапеция іспетті, биіктігі 6-7 метр төбешік, бұрыш-бұрышы дүниенің төрт түстігіне қараған. Табан өлшемі: Солтүстік батыстан оңтүстік шығысқа қараған жағынің 300 метрден астам, солтүстік шығыстан оңтүстік батысқа қараған жағы 225 метр. Қала орнының оңтүстік шығыс бөлігіндегі қамал-сарайдың қалдығы төбешік болып жатыр, жоғарғы алаңқайының ауқымы 50-50 метр. Шаһристан ішіндегі қакпа батыс бұрыштың солтүстік батыс жағында орналасқан, төбешік үстінде – мұнара қалдығы бар”.

Иә, Отырар мен Түркістан маңында орта ғасырларда Иқан атты кент, яки қамал, немесе елді мекен болғандығы жайлы біздің тарихшыларымыз бер археологтарымыздың еңбектерінде айтылады. Олар Оңтүстік Қазақстанның ежелгі қалаларына сипаттама жасағанда оны да әдетте атап өтеді. Бірақ отандық зерттеушілер еңбектерінде ол Иқан деп жазылса, ал араб тілді бұлақ көздерінде Атқан, немесе Итқан деп көрсетілген.

XVI ғасырда Мұхаммед Шайбани ханның (1451-1510) жасақтарымен бірге Сыр бойы мен Оңтүстік Қазақстанда да жорықта болып, қазақтардың тұрмыс-тіршілігі, шаһарлары мен кенттері, қамалдары мен елді мекендерін өз көзімен көрген Әбу-л Хайыр ибн Рузбихан әл-Хунджи Исфаһани (1457-1524) “Михман наме-йи Бұхара” – “Бұхара мейманының жазбалары” атты еңбегінде Иқанды Түркістан бекіністерінің бірі десе, Тағы Шығыстық атақты тарихшы, белгілі тәпсірші Джалал ад-Дин Әбу-л Фадл Абд ар-Рахман ас-Сүйути (1445-1505) “Лubb әл-лубаб фи тахrir әл-ансаб” – “Ақыл-ойдың насабнамені құрастырудығы өзегі” атты еңбегінде: “Атқан – Фараб кенттерінің бірі, одан әл-Атқан – шыққан” деп жазады. Мұны Египет тарихшысы – Джамал ад-Дин Әбу-л Махасин ибн Тагриберди [Тәнірберді] (1411-1465) “Әл-Манһал ас-сафи уа-л мустауфи баъд әл-уафи” – “Таза бұлақ және “әл-Уафиден” кейінгі толық жинақ” және Ахмед Ташкупризаде атты есімімен көбірек мәлім түрік жазушысы, полигистор Ахмед әл-Мұстафа (1495-1561) “Мифтах ас-сағада уа мисбах ас-сағада фи маудуғат әл-улум” – “Ғылыми пәндердегі бақыт кілті және бақыт шамы” атты шығармаларында: “Атқан – Фараб кенттерінің бірі” деп қостайды.

Міне, осы Иқаннан (Атқан, Итқаннан) шыққан да парасат иелері бар. Соның бірі Әмір Кәтіб бин Әмір Умар әл-Атқани. Оның әмірі һәм шығармашылығымен біз “Қазақ даласының жұлдыздары” атты еңбегімізде 1995 жылы тұнғыш рет қысқаша таныстырылғанбыз. Оnda ғалымның алғашқы білімді өз отанында алып, одан кейін Иқан медреселерінің бірінде ұстаздық еткенін, соныра Орта Азиялық ойпаз Бүрнан ад-Дин әл-Марғаннаннан (1123-1197) “әл-Һидая” – “Басшылық” атты еңбегіне түсіндірме жазғаны һәм ғалым бабаның ол дүниелерін Ташкент пен Ресей кітапханалары қолжазба қорларынан ұшыратқанымыз туралы айтқанбыз.

Содан бері біраз жыл өтті. Бірте-бірте қолымызға ол жайлы басқа да жазба деректер түссе бастады.
2. Ғалымның тегі

Әмір Кәтіб XIII ғасырдың 20-жылдары, тарихымыздағы “Отырар апаты” атты қасіреттен 66 жылдан кейін дүниеге келген. Бұл монғол шапқыншыларының қазақ жерлерін де басып алған соң, оның Шынғыс ханның үш үлкен ұлына бөлініп берілген кез еді. Сөйтіп Отырар, Түркістан, Сауран, Сығанақ, Жент, Сайрам, Тараз, Баласағұн секілді т.б. шаһарлары бар Оңтүстік-Шығыс Қазақстан, яғни Жетісудың үлкен бөлігін Шағатай мен оның үрпақтары кезегімен биледі. Бұл тұста еліміздің қираған қалаларының кейбірі қалпына келтіріліп, жұрт жарасын емдеп, еңсесін қайта көтере бастаған деуге болады. Бұрынғы ғылыми-мәдени, діни-рухани ордалар біршама қалпына келіп, жұмыс істей бастаған.

Таяу және Орта Шығыс жүртүшінің осы ғасырлардағы діни-рухани, мәдени өмірін сипаттаған шежіреші және жалпы ислам тарихы білгілерінің еңбектерін параптап болсақ, олардың ішінен Қауам ад-Дин жайлы жазған қаламгерлерді де ұшыратамыз. Бұл ретте аз-Заһаби, ас-Сафди, Мұхі ад-Дин Қураши, Ибн Хатиб, Ибн Фархун, әл-Макризи, Ибн Хаджар әл-Асқалани, Ибн Тагриберди, Ибн Шихна, ас-Сахауи, ас-Сүйути, Ахмед Ташкүпразіде, Тақи ад-Дин ат-Тамими ад-Дари әл-Фаззи, әл-Хұсайнидің жазбалары аса көңіл аудараптық. Өйткені олар Иқан перзентінің замандастары, немесе одан бар болғаны бір-екі ғасыр ғана кейін ғұмыр кешкендер.

Қауам ад-Дин жайлы соңыра XVII ғасырда да қалам тербегендер жоқ емес. Солардың арасынан Хаджи Халифаны ерекше атау керек. Өйткені оның дүниелері өзіне дейінгі ойпаздар деректеріне сүйеніп жазылуымен де құнды.

Біз міне осыларға, сондай-ақ XX ғасырда өмір сүрген Умар Рида Каххала мен қазіргі Мысыр әдебиетшілері – Мұхаммед Заглул Салам мен доктор Махмуд Фуадтың ғалым баба туралы жинаған материалдарына да иек артқанымызды, олардың бізге жақсы бағдар болғанын атап кеткеніміз жән.

Осындай сөз зергерлері туындыларына үнілсек Қауам ад-Диннің ата-тек ныспысы онда түрліше жазылатынын байқаймыз. Тарихшы Тақи ад-Дин әл-Макризи (1365-1441) “Китаб әл-мауағиз уа-л іғтибар би зикри-л хутат уа-л асар” – “Ұғыздар және (Алла тағаланы) зікір етудегі тәсілдер мен әнбектерді негізге алу жайлы кітап” атты шығармасында (әдетте ол “хутат әл-Макризи” – “Әл-Макризидің тәсілі” деп аталады) оны Қауам ад-Дин Әмір Қәтіб бин Әмір Умар әл-Әмір бин әл-Әмір Әмір Ғази әл-Атқаны деп көрсетсе, исламтанушы Шиғаб ад-Дин Әбу-л Фадл ибн Хаджар әл-Асқалани (1372-1449) “Ад-Дуар әл-камина фи ағиани-л миъати ас-самина” – (Нижкраның) VII ғасырындағы белгілі адамдар жайлы сақталынған жаунарлар” деген кітабындағы Иқан ғалымына арналған үш беттік материалын – “әл-Хұсайні (? - ?) “Зайл” – “Қосымша” атты әнбегінде оны “Лутфулла” деп атайды деген жолдармен бастайды.

Сондай-ақ бабамызбен бір мезгілде өмір сүрген Мұхаммед Абд әл-Қадыр әл-Қураши әл-Ханафи (1296-1373) “Әл-Жаяһир әл-мудиға фи табақат әл-ханағийа” – “Ханағи (мазғабы ғұламаларының) топтары жайлы жарық жаунарлар” атты әнбегінде оны әл-Атқаны емес, керісінше “әл-Итқаны” деп атайды да, әрі қарай “білгір имам” (әл-имам әл-аллама) Қауам ад-Дин Әмір Қәтіб бин Әмір Умар әл-Амид әл-Фараби Әбу Ханифа” деп жазады.

Ибн Хаджар әл-Асқаланидің тағы бір “Табсир әл-мунтабаһ би-тахрір әл-муштабиһ” – “Күмәнді сейілтудегі тыңғылықты ойды көрсетеу” деген әнбегінде Иқан ұланы “әл-Отари” деп көрсетілген де “факиһ (мұсылман зангері), (нижкраның) 700 (1301) жылынан кейін Отырардан Мысырға келді.

Отырар түрік елі, (ол) Жайхун (дұрысы Сейхун – Сырдария) жағасындағы үлкен қала” деп жазылған. Десе де Ибн Хаджар әрі қарай бірақ “Қауам ад-Дин әл-Итқаны әл-Ханағи Сургатмишия медресесі алғаш ашылғанда сонда дәріс берді, “әл-һидаяға” түсіндірме жасады” деген қысқаша мағлұматпен шектелген.

Түркі текті әл-Маупай Мұстафа бин Абдалла әл-Қустантини әр-Руми әл-Ханағи (1609-1657) (әдетте Қәтіб (хатшы) Челеби немесе Хаджи Халифа есімімен көбірек тарихшы) “Кашф аз-зунун ан асами-л кутуб уа-л фунун” – “Кітап және ғылым аттары туралы күмәндарды ашу немесе құдіктерден сейілту” атты әнбегінде оны Қауам ад-Дин десе, ал Ибн Фархун әл-Малики (?-1397) “Ад-Дибаджу-л мазғаб фи мағрифати айлан уламаи әл-мазғаб” – “Мазғабтың белгілі ғұламаларын таныстырудың жібек жол” атты шығармасында “Қауам ад-Дин Әбу Ханифа” дейді де, әрі қарай есімін “Әмір Қәтіб Әби Мұхаммед бин Ғази әл-Итқаны ат-Түркістаны” деп көрсетеді. Бұл жерде оның ғалым ныспысына өзгелер атамаған “Әби Мұхаммед” деген есімді және тегінің соңына “Түркістаны” деген сөзді қосып жазғанын байқаймыз.

Умар Рида Каххала (1905-1987) “Мұғджам әл-муаллифийін” – “Шығармашылар сөздігі” атты әнбегінде оны “Әмір Қәтіб бин Әмір Ғази әл-Фараби әл-Итқаны әл-Ханағи (Қауам ад-Дин)” деп көрсетеді де, “факиһ, тілші (луғауи), хадисші (мұхаддис), шаууал айының 19-да Итқанда туылған” дей отырып, өмірі жайлы қысқаша деректер келтіреді, яғни оның Бағдад, Мысыр, Шамда қызмет еткенін, Каирде шаууал айының 11-де қайтыс болғанына тоқталады.

Тақи ад-Дин бин Абд әл-Қадир ат-Тамими ад-Дари әл-Фаззи (?-1596) “Ат-Табақат ас-суннийа фи тарааджим әл-Ханағийа” – “Суннит топтары (ишіндегі) Әбу Ханифа (мектебі) ғұламаларының өмірбаяны жайлы” деген әнбегінде Иқан ұланының өзін “Қауам ад-Дин әл-Фараби әл-Атқаны” деп те жазғанын еске алады.

Ибн Хаджар әл-Асқалани мен Ибн Фархун әл-Маликідің атаптамыш дүниелерінде оның аты сондай-ақ суннізмнің 4 мектебі бірінің негізін салған Әбу Ханифа ибн Сәбиттің есімімен (699-767) “Әбу Ханифа” деп те айттылады. Дей түрганмен Иқандық ғұлама бір өлеңінде өзінің аты-жөні жайлы:

— “Әбу Ханифа – күниям, ал сонаң соң,

Қауам ад-Дин болды лақап ат(ым)”, – дейді.

Аты-жөні дегеннен шығады, Иқан перзентінің сөйтіп тек Атқаны немесе Итқаны ғана емес, сондай-ақ әл-Фараби және тіпті Түркістани деп те көрсетілгенін байқадық. Өйткені Иқан шағын кент, яки қамал, немесе елді мекен ғана болғандықтан Қауам ад-Дин өз тегіне Иқанды ғана емес, сондай-ақ бірде Фарабты, енді бірде Түркістанды қосып жазып отырған сияқты. Бұған мысал ретінде отырар-

лық тілші, ғалым Исмайыл әл-Жауһари әл-Фарабиді (?-1008) атасақ та жетіп жатыр. Ол да осылай еткен.

Сонымен оның есімдер тізбегін саралар болсақ — Әбу Ханифа күниясы, Қауам ад-Дин және Лутфулла лақап есімдері. Әзінің азан шақырылып қойылған аты Әмір Кәтіб. Әкесінің аты – Әмір Умар әл-Әмид. Бабасының есімі әл-Әмид Әмір Фазы. Ал Атқани, Итқани, әл-Фараби, Түркістан жоғарыда айтылғандай оның туған жерін білдіреді. Білдіреді демекші Атқан араб тілінде (бір нәрсені) “толық менгеру”, (бір нәрседе) “шеберлік таныту”, ал Итқан – “кемелділік”, “шеберлік” деген мағынаны білдіретінін де еске ала кеткен жөн. Ал ғалымның туған жері Атқан, немесе Итқан, яки қазіргідей Иқан деп қашаннан бері аталады мәселесі қосымша зерттеуді талап етеді.

Үлкен парасат иесі өзі көрсеткеніндей және жазба деректердің көпшілігі де ол туралы сөз қозғағанда оны Қауам-Дин деген лақап есімінен бастайтындықтан, біз де сол дәстүрді бұзбай, оны осы есімімен атай отырып зерделегенді жөн көрдік.

Араб тілді жазба деректерде Қауам ад-Диннің Түркістан мен Фараб төнірегіндегі Атқан (Иқан) кентінде һижраның 685 (1286) жылы шаууал айының 19, сенбі күні түнде дүниеге келгені айтылады. Әуелті білімді ол өз отанында алған. Бірақ дәл қай жерде – Отыrap немесе Иқан яки Түркістан, Ұсбаникет (Қараспан), немесе Исфиджаб-Сайрамда оқыды ма, өкінішке орай ол туралы деректер жоқ. Араб тарихшылары оның медресені тәмамдаған соң Әбу Ханифа мазhabын шұқшия зерделегеніне тоқталды. Бұл ретте болашақ кеменгердің қолына әуелі Орта Азиялық ғұламалардың еңбектері іліккен. Әсірепе ол Ахсикати мен Марғаннайдің шарифат жайлышындағы қосымша көбірек үнілген.

Ахсикат (Ахсикет, Ахсикас, Ахси) қазіргі Әндижан қаласының солтүстік батысында, Сырдарияның он жағалауындағы қала. Ол Мұхаммед Хайдар Дулатидің (1499-1551) туған бөлесі, ұрпақтары Үндістандың үш ғасыр билеген, көрнекті мемлекет қайраткері, әлемдік ірі тұлға Мұхаммед Захир ад-Дин Бабырдың да (1483-1526) отаны.

Біз осы шаһарлық, яғни Ахсикати атты үш дара тұлғаларды білеміз. Біріншісі тілші, тарихшы Мұхаммед бин әл-Қасым Ахмад бин Мұхаммед бин әл-Қасым Әбу-л Уафа Ахсикаси (?-1125). Екіншісі – соның баласы Ахмад бин Мұхаммед бин әл-Қасым бин Хадий (?-1133). Ол “Тарих Фарғана” – “Ферғана тарихы” және “Аз-Зауайд фи шарх “Сикт аз-Занд” ли Әби-л Әла әл-Мағарри” – “Әбу-л Әла әл-Мағарридің (973-1057) “Сикт аз-Занд” (“Ұшқынның жарығы”) деген еңбегіне қосымша түсіндірме” атты шығармалардың авторы.

Үшіншісі – трактаттары Қауам ад-Дин болашағына жол сілтеп, бағыт-бағдар берген Әбу Абдалла бин Мұхаммед бин Мұхаммед бин Умар Хусам ад-Дин әл-Ахсикаси (?-1246). Ол Әбу Ханифа мазhabы бойынша зангер, “Әл-Мунтахаб фи усул әл-мазhab машһур инда әл-улама” – “Ғұламаларға танымал мазhab негіздерінің таңдамалы (жинағы)”, “Усул әл-Фиқі” – “Фиқі негізі” атты кітаптардың авторы.

Қауам ад-Динге соңғы ғалым шығармалары үлкен әсер еткен. Сөйтіп ол осы Хусам ад-Дин әл-Ахсикаси шығармасының түсіндірмесіне ден қойып, оны 1315 жылы 31-ге толғанда түгел оқып шығады. Соған қарағанда Қауам ад-Динді білімін молықтырып кемеліне келгенше, яғни 1317 жылға дейін Отыrap мен Түркістанда қала берген, немесе Самарқан мен Бұхарадан шығандап шыға қоймаған деуге болады.

Бұл кездері тек Самарқан мен Бұхара ғана емес, сондай-ақ Орта Азияның Ахси, Насаф (Нахшаб, Қаршы), Термез, Мары, Үргеніш, Хиуа сияқты шаһарлары да Ислам діні мен мәдениеті, ғылыми мен білімінің үлкендерінде орталықтары еді. Осындағы ілім ордаларынан шыққан ғалымдар, уәлі ауыз даналар, парасат иелері ондап емес, жүзден саналады. Қауам ад-Диннің әуелде Орта Азиядан алысқа ұзамауының бір себебі де осында ма деп ойлаймыз. Өйткені ол сондай шаһарлар ғұламаларынан дәріс алды. Отырапарда имам болды.

Әзге де мұсылман елдеріндегідей Орта Азияда да әсірепе шарифат мәселелеріне көп көңіл бөлінді. Өйткені ол мұсылман баласының тал бесіктен жер бесіккө дейінгі әмір тіршілігінің сан-алуан қырларын қамтитын. Шарифат қасиетті Құран мен хазреті Мұхаммед (с.а.ғ.с.) пайғамбарымыздың сұннасына негізделген және алты ғылыми пәндерді қамтиды.

1. Илм ат-тағсир әл-Құран – Құранға түсіндірме жасайтын ғылым.
 2. Илм әл-хадис – Хазреті Мұхаммед пайғамбарымыздың (с.а.ғ.с.) айтқан сөздері, әңгімелерін жинайтын, зерттейтін ғылым.
 3. Илм әл-қалам, немесе Усул ад-Дин – Ислам дінін теориялық негізін зерттейтін ғылым.
 4. Илм усул әл-фиқі – Фиқі негізі мен бұлақ көздерін зерттейтін ғылым.
 5. Илм әл-фиқі – Фиқі салаларын зерттейтін ғылым (Практикалық фиқі).
 6. Илм әл-фараид (фараиз) – Марқұм мүлкінің ұрпақтары арасындағы бөлінуін зерттейтін ғылым.
- Бір сәзбен айтқанда шарифат мұсылманның әмір сұру заңы. Олай болса қазақ жері ілім ордаларының өкілдері де Ислам діні мен ілімін шұқшия зерделеуге, оны өз жүртүнда да насиҳаттауға барынша көңіл бөлді. Бұл ретте Мауараннаһр ғұламаларының Құран Кәрім, хадис, тәспір, мұсылман заңын сөз ететін еңбектері де араб жүртүнда кеңінен пайдаланылғанын айту ләзім.

Қауам ад-Дин сөйтіп бұрын өткен Отырар ғұламалары сияқты Шам жұрты мен Ніл бойы һәм Месопотамиядағы Ислам ғылымының ірі орталықтарына барып білімін молықтырғанды жән көрді. Сонымен аттанар күн де келді.

Иқан – Отырар – Түркістанның арасы жазық дала. Қауам ад-Дин шаһар шетіне шықты. Керуен қутіп түр екен. Жолбасшы түйелердің біріне отыруға ишара етті. Ол Иқанға, туған қаласына қайырыла ұзақ қарады. Алыс сапардан орала ма, жоқ па?! Жусан исі келеді. Бір түбін үзіп алып іскеді де қаласына салды. Көзі жасаурап Иқанға тағы бір көз тастады. Керуен қозғала бастапты. Алда қауіп, қатері, қыншылды мол жол жатты. Алда ғылым, білім, даңқ жолы жатты.

3.Дамаск, Каир сапары. Бағдадта өткен 25 жыл

Қауам ад-Дин содан 1319 жылы әуелі Дамаскіге келіп ұстаздық етті. Соған қарағанда оны өз отанында-ақ араб тілін жақсы менгерген деуге болады. Отаны демекші орайы келгенде айта кетейік, Мауараннәр елінің Таяу және Орта шығыс жұртымен рухани, мәдени, ғылыми байланысы тұрақты болған. Мұндай іті ауыс-түйіс, барыс-келістің іргетасы Орта Азияға Ислам діні келісімен-ақ қаланған. Бірте-бірте жұртымыздың өмір тіршілігі, салт-санасы, әдеп-ғұрпы, тілі, әдебиеті мен мәдениетіне шаригат, фиқір (мұсылман заңы), фақір (мұсылман зангері), адаб — әдеп, адабиат — әдебиет, мұхаддис (хадисші), мантық – логика, луғат – тіл, сөз; лұғауи – тілші, кітап, дәптер, қалам, дәріс, мударрис (оқытушы, дәріс беруші), хафиз (Құранды жатқа білуші), қари (Құранды мәнерлеп жатқа оқушы) секілді және тағы да басқа көптеген сөздер енді.

Араб дүниесінің түрлі ғалымдары, саяхатшылары, тарихшы, шежірешілері, дін қайраткерлері Жейхун (Әмудария) мен Сейхун (Сырдария) өлкесі туралы көрген-білген, естіген, тоқығандарын хатқа молынан түсірді. Бірсынырасты тіпті осы жерлерде Ислам ілімі мектебінің іргетасын қалап, ұстаздық таңдауды өткендікке берді. Жергілікті жұрттың талапты ұландарынан мамандар даярлап, жаңа жерлерде Ислам діні мен өркениетінің өркендей беруіне барынша мұddeлілік танытқан.

Өз кезегінде Қазақстанның оңтүстігі мен Сыр бойы қалалары және кенттерінің Әбу Нәсір әл-Фараби (870-950) сияқты дарынды ұлдары да Шам мен Ирақ, Мысырға барып, білім алып қана қоймай, түрлі дәрежедегі қызыметтер де атқарған. Олардың арасында тіпті сонда тұрақтап, көз жұмғандары да аз емес.

Бұл ретте қазақ даласының тағы бір асыл перзентін атап кетуге тиіспіз. Ол Сығанақта туып, Шам елінде, яғни Сирияның ежелгі ірі рухани, мәдени ордаларының бірі Халабта қызмет етіп, мұнда Қауам ад-Дин келердің алдында 1310 жылы қайтыс болған, әдетте ас-Сығанақи әл-Ханафи деп аталатын Хусам ад-Дин әл-Хүсейн бин Хаджджадж ас-Сығанақи. Ол да Иқан ұланы сияқты Хусам ад-Дин әл-Ахсикасидің “Китаб әл-мұнтахаб фи усул ад-Дин” – “Дін негізі жайлы таңдаулы кітап” және Әбділ ад-Дин әл-Марғінанидің “әл-Һидая” – “Басшылық” түсіндірме жазған. Оның әуелгі енбегі Париж бен Каир кітапханаларының қолжазба қорында түр. Сығанақтық баба да Қауам ад-Дин сияқты өзіне лақап етіп Әбу Ханифа есімін алған.

Махмуд Фуад Қауам ад-Диннің Дамаскіге келген кезде жоғарыда айтылған Әбділ ад-Дин Әбу-л Ҳасан бин Әбу Бәкір әл-Марғінанидің (1123-1141) “әл-Һидая” – “Басшылық” атты енбегіне Сығанақи сияқты түсіндірме жазып бітіргенін айтады. Қазақ даласының талантты екі перзентінің де “әл-Һидаяға” түсіндірме жазғаны жайдан-жай емес. Әйткені бұл енбек күні бүгінгеге дейін Әбу Ханифа мазнабы бойынша озық дүниелердің бірі саналады. Оған Сығанақ, Иқан перзенттерінен басқа да көптеген ғұламалар түсіндірмелер жазған.

4. Дамаскіде. Мысырға аттану. Шам астанасына қайтып оралу. Мешіттегі жанжал Қауам ад-Дин 1345 жылы Шам астанасына оралады. Әйтсе де онда бар-жоғы бір-ақ жыл тұрып, 1346 жылы Мысырға кетеді. Бірақ қайтадан Дамаскіге келіп “Дар әл-хадис аз-Зәнирийа” медресесінде ұстаздық етеді.

Шамға түркілердің (оғыз тайпаларын құрайтын селжүқтардың) әсері едәуір болған. Оғыз тайпалары ортағасырларда Орта Азияның солтүстігінде тіршілік өткен. Осы жерден XI-XII ғ. Кіші Азияға жорықта аттанған олар Шам жұртымен де алқа-қотан байланыста өмір сүріп, Сирия тарихында да елеулі із қалдырған. XIV ғасырда мұнда Ақсақ Темір (1336-1405) де ат ізін салды, яғни Сирияның Орта Азиялық түркілермен байланыстары әсте де үзілмеген.

Қауам ад-Дин Дамаскіде, жоғарыда айтылғандай “Дар әл-хадис аз-Зәнирийа” және “Әл-Күнхийа” медреселерінде сабак берген. “Зәнирийа” араб әлеміне әйгілі, қасында ежелгі кітапханасы бар оқу орны болатын. Ол қазір де бар деседі. Осы маңда кезінде Сұлтан аз-Зәнир Бейбарыс жерленген (1217-1277).

Дегенмен Иқандық баба Дамаскіде бір жылдай-ақ тұрған. Хаджи Халифаның айтуынша оған Қауам ад-Дин мен Тақи ад-Дин ас-Субки (1296-1373) арасындағы дін мәселесі бойынша талас-тартыс себеп болған. Қауам ад-Дин Дамаскіге келген соң бірде намазды халифаның Дамаскідегі өкілі, қала өкімі Әмір Сайф ад-Дин Йолбұға ан-Насиримен бірге оқиды. Имам сәждеде жасап, орнынан түрегелгенде екі қолын көтереді. Қауам ад-Дин оған Әбу Ханифа мазнабы бойынша олай етуге болмайтынын айтып салады. Бұл туралы жерлесіміздің өзі: “25 раджабта Шамға келген соң, рамадан айының 27-інде, кешкे Сайфтың орынбасарымен ұшырасу құрметіне ие болды. Жұрт ақшам намазына жиналған еді. Имам сәждеден тұрған кезде екі қолын да көтерді. Сол себепті мен намазымды қайта оқыдым. Сонан соң одан: Сен (Имам) Малик (713-795) яки (Имам) Шафіф (767-

820) мазhabындасың ба? – деп сұрадым. Ол: – Мен (Имам) Шафиг мазhabындамын, – деді. Мен оған: – Егер Шафиги мазhabындағыдан рүкүғдан соң қолдарыңды көтермесен де намазың бұзылмайтын еді және одан өзіңін де ештеңең кетпес-ті. Қолыңды көтергендіктен біздің (Ханафи мазhabы бойынша) намазымыз бұзылды. Егер қолыңды көтермегенде намазың дұрыс болар еді, – дедім.

Имам ескертүімді қабылдады. Әкім бұл сөздерді естіді. Ол біздің Ханафи мазhabын ұстанатын кейір имамдарды жазғырып:

— Неге маған бұны үйретпегенсің (дер), — деді.

Имам абыройы түсіп қалады деп қорыққандықтан көпке дейін үндемеді, сонаң соң тәкаппарлықпен:

— (Қол көтергеннен) намаз бұзылмайды, – деді де Әбу Ханифа мазhabына қарсы сөздерін қайталай берді. Пікіріне бірақ ешқандай дәлелдер келтіре алмады. Сонда біз оған:

— Макхул ан-Насафи намаз бұзылатыны туралы айтып еді ғой дедік. Пікірталасымыз сөйтіп осы дүние (Қаям ад-Дин “Рисала фи рафғы-л йади инда ар-рукуғ уа инда рафғу-р раъси минһу фи-с салати уа адама джауазаһу инда әл-ханафий” – “Намазда рүкүғқа барған кезде және қайта тұрған кезде Әбу Ханифа мазhabы бойынша қолды көтеруге болмайтыны жайлы трактат” атты еңбегін айтып отыр) жазылғанша жалғаса берді”, – дейді.

Қаям ад-Диннің фақиһ, хадисші, хафиз Макхул бин ал-Фадл ан-Насафиге (? - 930) сүйеніп отырғаны жайдан-жай емес. Ол VIII-X ғасырларда әмір сүріп “Лу'лу'иат фи-з-зұңд уа-л адаб” – “Зұңд және әдебиеттегі жаунарлар”, “Аш-Шуғағ фи-л фиқі” – “Фиқі (ғылымының) нұрлары” атты белгілі еңбектер жазған, Әбу Ханифага ең тақау әмір сүрген Орта Азиялық ғалым. Сол себепті де Қаям ад-Дин оның шығармасына арқа сүйеген.

Арқа сүйеді демекші, Мауараннаһр ғұламалары Сирія, Египет және Кіші Азиядағы Ханафи мазhabы орталықтарының жанданып, қалыптасуында, шарифат бойынша қазір де әлемнің суннит мұсылмандары басшылыққа алатын өте беделді еңбектердің дүниеге келуінде шешуші рөл атқарған. Солардың қатарына Марғұланда жазылған атаптыш “Китаб әл-һидая”, Бұхарада хатқа түсken “Ақаид”, Самарқанда дүниеге келген “Хикматул айнды” жатқызуға болады.

Иә, Мауараннаһр ойпаздары Ислам ғылымдарының дамуына, әсіресе шарифатқа қатысты әлемге мәшінр еңбектер жазып үлес қосты. Жаһан жұртының көптеген кітапханаларынан қазірге дейін фиқі (мұсылман заңы), усул ад-Дин (дін негізі), хадистер бойынша IX-XII ғасырларда Мауараннаһр перзенттері жазған еңбектер қолжазбаларын ұшыратуға болады.

Мауараннаһр мұсылман заңының Ханафи мазhabын жетілдіріп, жақсартып, дамытқан бірегей орталықтардың да бірі болатын. Мұсылман заңының Ханафи мектебі Мауараннаһр ғана емес, сондай-ақ Араб халифатындағы да көптеген елдерге кеңінен тарады [22, 1-том, 869].

Сонымен Қаям ад-Диннің сөзі Дамаск қазысы, Имам Шафиг мазhabы ғұламаларының бірі Тақи ад-Дин Субкіге жетеді. Пікірталаста ол имамды қуаттап, жерлесіміздің айтқанын жоққа шығаратын еңбек жазады. Оны естіген Қаям ад-Дин оған жауап ретінде Әбу Ханифа мазhabы бойынша, имам егер рүкүғдан соң қолын көтерсе, намаз бұзылатының дәлелдеп трактат жазады. Бұл ретте өз ойын ол Макхул ан-Насафидің Әбу Ханифа айтты деген әңгімесімен дәлелдейді.

Әмір Сайф ад-Дин Йолбұға Қаям ад-Диннің сөзіне сеніп, әуелде оны қолдайды. Ал Тақи ад-Дин ас-Субки болса, Иқан перзентінің дәлелін әлсіретіп, ойын теріске шығаруды жанталаса жалғастыра береді. Нәтижеде Дамаск билеушісі Қаям ад-Динге деген көзқарасын өзгертіп, одан теріс айналып ас-Субкіді ашық қолдай бастаған соң Қаям ад-Динге Дамаскіде қалу ыңғайсыз болады. Ақырында ол Дамаскіні талақ тастап Египетке үшінші рет бет алады.

Намазда рүкүғқа барада және қайтқанда екі қолды көтеруде Имам Шафиг (767-820) пен Ахмед ибн Ханбал (780-855) (екі мазhab жетекшілері) хазреті Мұхаммед (с.а.ғ.с.) пайғамбарымыздың хадис шәріпіне сүйеніп, Алла елшісінің өзі солай етуши еді деп ізбасарларына атаптыш амалды орындауды тапсырған.

Ал Қаям ад-Дин секілді Әбу Ханифа мазhabын ұстанушы әрі оның білгір мамандары хазреті Мұхаммед (с.а.ғ.с.) пайғамбарымыздың рүкүғқа барада және қайтқанда әуелі қол көтергенімен, кейінірек олай етпегенін айтып, өзге хадистерге жүгінеді. Ханафи мазhabы ғұламалары Алла елшісі қолын көтеретін еді делінетін хадистердің мансұқ етіліп, күшін жойғанын үәж етеді. Осы тұрғыдан қарағанда Қаям ад-Диннің Дамаск имамына жасаған ескертпесі орынды, яғни намаз ішінде қол көтеру артық амал деп есептейміз.

Бұл оқиға сол жылдардағы мазhabтар (діни мектептер) арасындағы пікірталастың оңай болмағандығын байқатса керек.

Жалпы мазhabтар арасында ғибадат амалдарына байланысты азын-аулақ осындаі пікірталастар қазір де анда-санда болса да көрініс беріп қояды.

[\(Жалғасы бар\)](#)

Авторы: Әбсаттар қажы ДЕРБІСӘЛІ, Бас мұфти.